

IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

FILED

MAY 03 2018

ASST. CLERK OF COURTS
REPUBLIC OF THE MARSHALL ISLANDS

BATLE LATDRIK,)
)
)
Plaintiff,)
)
Vs)
)
)
LINA LAIK (for the)
children of Laik Kejon))
)
Defendant)
_____)

CIVIL ACTION NO. 2006-101

LEMNAK IM UAAK EO AN TRC EO

RO UAAN PANEL EO: Walter K. Elbon
Presiding Judge, TRC

Nixon David
Associate Judge, TRC

Grace Leban,
Associate Judge, TRC

JKIN RONJAKE EO: Majuro Courthouse

RAN IN RONJAKE KO: March 28, 2017 and March 28 and April 3, 2018

IAKWELEL KO IKOTAN PARTY KO:

Dri Abnono ro rej ba bwe Mwejlok Weto, Delap ej imon **Bwij** jino ibben Libollan im ro nejin .
Rej claim bwe Lekejon ak Kejon ear wor ruo nejin emaan im juon kora im etaer rej, **Anjo**, emaan
Laninbit, emaan im **Libollan**, kora. Rej ba bwe ro nejin Libollan rej jidrak in bwij ak jino juon
bwij kaal. Rej bar ba bwe rej iroi jedrik ilo Mwejlok Weto. Dri Jumae Abnono ro rej ba bwe

Mwejelok Weto ej imon Ninnin(botoktok) jen Lekejon nan arnej ro jilu nejin, Anjo, Libollan im Laninbit. Rej ba bwe Imon Ninnin in ear etal im wonmanlok wot ibben ro nejin Anjo. Rejjab claimi maron eo an Irojiedrik.

KAJJITOK KO KAR LITOK NAN PANEL EO BWE EN UAAKI:

1 Won, elane ewor, ej iroj edrik nan Mwedjelok Weto, Majuro Atoll?

Uaak: **Ejjelok**

2. Won ej alap nan Mwejelok Weto, Majuro Atoll?

Uaak: **Batle Latdrik**

MELELE KO UAAK KEIN REJ BEDBED IOIER:

Ilo kar ien ronjake eo an case in kein karuo ear wor nan in kamol ko jen Dri Abnono eo, Batle Latdrik im Dri Jumae Abnono eo, Lina Laik ilo etan Emel Laik. Ear bar wor nan in kamol ko ilo transcript in deposition eo an Irojilaplap Lein Zedkaia. Party kein jimor rej erra bwe rej juon wot. Menmenbwij ko an party kein jimor im kar jakimantak einwot kein kamol rej bar kalikare bwe rej juon wot family. Panel eo an TRC eo, elkin an kar ronjake melele ko im etali kein kamol ko, ej kile bwe Mwejelok Weto ej imon bwij. Ilo menmenbwij ko einwot Plaintiff Exhibit "C" im Defendant Exhibit "2", rej kwalok bwe lajrak eo an family in ear ijino ibben Lekejon ak Kejon. Dri Abnono ro rej ba maron eo einwot imon bwij ear jino ibben Lijeri kora eo jinen Lekejon im Lekejon ej make wot nejin. Dri Jumae Abnono rej ba Mwejelok Weto Irojilaplap Lainlen ear lelok nan Lekejon tokjen an kar rakji im karreoiki im ej imon ninnin nan

ro nejin Lekejon.

KEDI MANIT IBEN MELELE KO REMOL

Lekejon ear wor jilu nejin, Anjo, emaan, Libollan, kora im Laninbit, emaan.

Ejimwe, im ekkar nan manit in Marshall bwe ear imon ninnin jen Lekejon nan ro nijin. Ro nejin rar jolete maron in alap ikkijen ninnin. Ilo kar ien ronjake eo im kab kein kamol ko rejjab

kalikar ke Lekejon ear komman kallimur ak kon ilo jeje ak ilo nan nan jabrewot iaan ro nejin.

Panel eo an TRC ej loor wot manit im lajrak eo ekkar nan manit in Marshall ke ro nejin kora rej jolete maron eo an Alap im ro nejin emmaan rej jolete maron eo an Dri Jerbal ilo bwirij. Manit ej ukot manit. Ro nejin Libollan rej jidrak in bwij ak jino juon bwij ekaal im ro nejin Anjo rej Dri Jerbal im naj kabjor maron eo an Senior Dri Jerbal, im ro nejin Laninbit rej Dri Jerbal im wor aer maron im jimwe nan berwot im jokwe im mour ilo Mwejelok Weto.

Ikkijen maron eo an Irojiedrik. Panel eo an TRC eo kio ej erra wot ibben panel eo moktalok ke ejjelok Iroj edrik nan Mwejelok Weto. Maron eo an Irojiedrik ej ilok wot nan ro ewor botoktok in Iroj ibbeir. Ear jab bwe kein kamol ko jen Plaintiff eo nan kalikar ke ewor botoktok in iroj ibbeir ijjelokin wot aer ba bwe maron in kar lelok nan er jen Irojlaplap Lainlen. Tokelik Irojlaplap Aisiea ear bar bok maron eo an Irojiedrik jen Lokejon. An Irojlaplap Lainlen kar lelok maron in Irojiedrik nan Lekejon ej alikar ke jemaron watoke einwot Iroj in kelet. Rainin ejjelok iroj in kelet ilo mona ak mojen eo an Iroj Kaiboke Tobinwa ilo Majuro in.

Kein kamol ko im rar dreton ilo kar ien ronjake eo mokta iben TRC Panel eo lok iman, rej kwalok bwe Raymond ear kabjor maron eo an Alap ilo Mwejelok Weto ilo an kar etal nane kolla in lease ko an Kien. Kein kamol kein rej einwot Plaintiff Exhibit K, L, M im N. Irojlaplap Lein Zedkea ilo note eo an im heading eo an ej ba, Mona eo an Irojlaplap Kaiboke Tobinwa im ear

jeje ilo June 16, 2016, ej kwalok bwe Batle Latdrik ej Alap ilo Mwejelok Weto, im bwe en bok wot ijo an Alap. Kein kamol ko jet rar drelontok einwot Defendant Exhibit "3" im Exhibit "5", rej komakit Raymond Latrik ak bok maron eo an Alap jen e im lelok nan Emel Kejjon. Ilo an ejjelok juon un elap nan kar kommane kommakit in, panel eo an TRC ej kile bwe menmenbwij in an family ej kalikar ke Batle Latdrik, eo im ej jatin Raymond Latdrik, ejimwe bwe en kabjor maron eo an Alap im ro nejin Laik rej kabjor maron eo an Senior Dri Jerbal im ro nejin Laninbit eber maron im jimwe eo ibbeir einwot Dri Jerbal ilo Mwejelok Weto, im remaron jokwe ie im bok aer mour jene.

Dri Kamol an Dri Abnono:

Batle Latdrik

Dri Kamol an Dri Jumae Abnono:

Lina Laik

Kein Kamol an Dri Abnono

Plaintiff Exhibit "K" Vendor History/Financial
Plaintiff Exhibit "L" Vendor History/Financial
Plaintiff Exhibit "M" Check Land Lease pay to Raymond Latdrik
Plaintiff Exhibit "N" Check Land Lease pay to Raymond Laddrk
Entire transcript and evidence admitted from the previous hearing of this case be part of the record in the second referral matter.

Kein Kamol an Dri Jumae Abnono:

Defendant Exdhibit "1" Determination of ownership and release No. 239
Defendant Exhibit "2" Ninnin (Botoktok) land jen Lokejon nan ro nejin
Defendant Exhibit "3" Affdidavit in support/Atma Zedekia
Defendant Exhibit "4" Entire Transcript of and evidences from the previous hearing
Defendant Edxhibit "5" Certificate of Traditional Successor

Wawen ko jet Panel in ej loi bwe aikuj bar konono kaki:

Family kein ak parties kein ilo case in rej juon wot. Menmenbwij ko aer rej bar kalikar bwe rej

aolep lajrak laltak jen Lekejon. Menmenbwij in ej kalikar bwe ewor juon kora nejin Lokejon.

Ro nejin kora in, Libollan, rej jidrak in bwij ak jino juon bwij im rej lajrak einwot Alap, ro nejin

Anjo rej Dri Jerbal im juon iaer ak ritto tata naj Senior Dri Jerbal im ro nejin Laninbit rej Dri


Jerbal. Alap eo ejjab maron komakit ak komman jabrewot men ekonan elane ejjab mokta kebak

Iroj eo im ro jet ilo family eo. Mantin Marshall ej kemlet bwe jen lale im kejbarok droon ilo

bwirij ko ad. Panel eo ej lo bwe ikkijen Irojiedrik nan Mwejelok Weto ej an Irojilaplap eo bebe

ak karok einwot ke ejjelok.


Dated: 5/3/18



Walter K. Elbon
Presiding Judge, TRC



Nixon David
Associate Judge, TRC



Grace Leban
Associate Judge, TRC